



UNIVERSITÄTS-  
BIBLIOTHEK  
PADERBORN

## **Institutiones Canonicæ Sive Ius Ecclesiasticvm**

**Wiestner, Jacob**

**Monachii, 1706**

VIII. De Vsurariorum Pœnis & Judice.

---

[urn:nbn:de:hbz:466:1-62649](#)

tenatur. Quod cum Glossa in e. *Tua nos cit. V. Cogendi*, affirmant Navarrus *Manual. cap. 17. n. 278. Salas Tract. de Uſuria, cap. 43.* & alii præsertim VV. in eam rem allegantes e. cit. Verba, *Filiū ad reſtituendas uſuras cā ſunt diſtributione cogendi, quā parentes ſui, fi viverent, cogenerentur.*

Unde, ſicut hos, ſic & iplos ad reſtitutionem in ſolidum teneri, inferunt; cū favore animæ defuncti, quæ, plenâ reſtitutione factâ, certius & citius à peccatis liberatur: tum verò; ne bona iniquæ parta hæredibus profint.

*Veriſimilius tamen cum Sylvestro V. Uſura 6. q. 10. d. 2. & Cajetano Tom. 2. Opus, tract. 8. cap. 5. id negant eitt. Azor Lib. 5. cap. 17. q. 11. Molina disp. 332. n. 4. Lessius cap. 20. n. 175. Haunold. n. 464. & Pirrhing ad banc Rubr. n. 111. Ratio eft; quòd ex communi Juris Regula in diſtributione hæreditatis inter hæredes, ſicut bona reliqua à defuncto pro rata ſeu portione hæreditatis, ſic etiam personales ejus obligationes ac debita dividantur; ut, ſicut partem duntaxi percipiunt commodi & bonorum, ſi etiam partem duntaxat ſentiant incommodi ſive onerum hæritariorum, niſi aliud Jure ſi expreſſum: ſingulos autem hæredes in ſolidum teneri ullo Jure expreſſum non ſit; cū ex e. *Tua nos cit. diſpositione uſuras, defuncti inſtar, in ſolidum reſtituere, illiisque animam plenè exonerare teneantur hæredes ſimul ſumpti; ac proinde ſinguli pro rata portionis, quæ iplos contingit, & in qua ſola defunctum repræſentant: non autem in defectum aliorum, & pro rata portionis alios, non iplos, contingentis; cū in hac defunctum iphi non repræſentent: neque, ſi huic respondentem Uſuraruſ portionem non ſoluant, iniquæ parta ipſis profint.**

104. Multè minùs in defectum hæredum ad uſuraria & alia defuncti debita tene-

tur legatarii caſu, quòd hæredes ad eorum ſolutionem, cū potentes eſſent, quāvis ex cauſa redduntur impotentes; cū perſonaliter defuncti debita non tranſeant ad ipſos, ſed ad hæredes, l. *Hæreditas 62. ff. de R. f. cit. Leſſius n. 176. & Molina n. 4.*

Excipliunt tamen DD. eitt. calum, 105. quòd res aliqua uſuraria in ſpecie extaret; quia talis à quovis eius poſtſitore, etiam legatario & mortis causâ donatario, domino ſuo utique eft reſtituenda: uti & caſum, quòd ante diſtributionem hæreditatis hæredum culpâ factum eft, quòd minùs uſuræ reſtituerentur; tales enim ad illarum reſtitutionem in ſolidum ex proprio ſuo delicto teneri, probè advertit Lugo de J. & f. disp. 25. n. 237.

### ARTICULUS VIII.

#### De Uſurariorum Po- nis & Judice.

##### SUMMARIUM.

- 106. *Pena Uſurarum ferè criminis no-  
viciatem,*
- 107. *Et ſententiam judicis declaratori-  
am exigunt:*
- 108. *Suntque Infamia:*
- 109. *Sacramentorum & ſacra Sepulturæ  
negatio recuſatiōque Oblatio-  
num:*
- 110. *Irregularitas & Ecclesiastica Gen-  
fura:*
- 111. *Inteſabilitas activa,*
- 112. *Et amiffo ſortis vel iſtius partis,*
- 113. *Uſuraruſ crimen Mixti Fori eſt:*
- 114. *Etiamſi Juris queſtio in judicium  
deducatur.*
- 115. *An contrarius Uſurarius ſit, Legalis  
ſanctione Eccleſia definit.*

Kk

Præter

**106.** **P**raeter obligationem restituendi, quæ Juris est Naturalis, variæ poenæ in usurarios constitutæ sunt Jure Civili, præsertim recentiori, & Ecclesiastico: quas tamen ferè ab usurariis tantum manifestis contrahit, cum Molina *Tract. 2. de J. & J. disp. 334. n. 1.* observat Haunold. *Tom. 3. de J. & J. Tract. 9. n. 467.*

Manifestus autem sive notorius usurarius esse potest Juris aut facti notoriety. Priori manifestus usurarius est non solum is, qui tanquam usurarius condemnatus: sed is etiam, qui sub usuris mutuum frequenter à se datum confessus in judicio, vel de usurarum exercitiis legitimis testimoniis, vel exhibito rationum libro, aut alii indicis & argumentis est convictus. Posteriori notorietae & evidentiæ facti is, qui sub usuris mutuum publicè sive in omnium conspectu, veletiam domini sua quibusvis ad se accidentibus assiduè & frequenter dedit, ut de hoc publicè constet, Sylvester *V. Usura 9. q. 1.*

**107.** Covarruvias *Lib. 3. Var. cap. 3. n. 4.* & Menoch. *de Arbitr. casu 235. an. 9.* rectè monentes; ut quis poenit usurarii à Jure impositis afficiatur, judicis, eum notorum usurarium declarantis, sententiam desiderari; cùm arg. *c. Cùm secundum leges 19. de Heretic. in 6.* tum verò quod propter varium ac speciosum interesse adiumentum, usuraria iniurias adeo facile declinetur aut palliatur; ut eam semel iterumque exerceuisse, ne dicam, frequentasse, raro aliquis convincatur.

**108.** Porro Usurarii manifelli poena Prima est Infamia, *l. Improbum 20. C. Ex quib. caus. infam. irrog.* §. Porro, postea *an. Infames 3. q. 7.* & *c. Inter dilectos 11. de Excess. Prelat.* ubi Panormit. *n. 1.* & Barbola *n. 6.* Eam tamen, si usurarii resipiscant, & usuras restituant, ex æquitate saltem Canonica cessare, cum Baldo *in l.*

*Cassius 17. in fine, ff. de Solutionibus & Fe-  
lino in c. 1. de Probat. n. 19.* docet Salas  
*de Usuria dub. 47. n. 1.*

Secunda, Negatio absolutionis Sacra-  
mentalii & Communionis Altaris, Sepul-  
tura Ecclesiastica privatio & recusatio  
Oblationis, earum saltem, quæ inter Mis-  
farum solennia fiunt: nisi poenitens pro  
facultatum suarum possibiliitate usuras  
restituerit, vel de restituendis præstiterit  
cautionem, ex decreto Concilii Latera-  
nensis, relatiō *c. Quia in omnibus 3. ubi Pa-*  
*normit. à n. 1. Sylvester V. Usura 9. q. 4.*  
*& Molina cit. disp. 334. n. 3.*

Tertia, Irregularitas, vi cuius à Sa-  
crorum Ordinum receptione usurarii re-  
moventur, *can. Maritum 2. diff. 33.* &  
*can. Seditionarios 8. diff. 46.* nec ad bene-  
ficia vel officia Ecclesiastica admittuntur,  
*can. Petro 4. diff. 47.* & *c. Inter dilectos*  
*cit. uti & Suspensio,* & si ea non proficiat;  
depositio à beneficio & officio legitimè  
obtento, iisdem usurariis, si clerici: si  
verò laici sint, excommunicatio per sen-  
tentiam infligenda, *can. Si quis 5. diff. 47.*  
*c. 1. & c. Præterea 7. hic, Hoftiens. in Sum-  
man. 10. cit. Covart. n. 3. Molina n. 2.*  
*& Palao Tract. 32. diff. 5. p. 30. n. 4.*

Quarta, Intellabilitas activa de bo-  
nis suis; ut usurariorum testamenta, aliz-  
que voluntates ultimæ validæ non sint,  
iisque interesse nemini liceat: nisi priù  
usuras restituerint, vel de restituendis i-  
doneam, id est, pignoratitiam, fidejusfo-  
riam, vel si tales ob temporis angustias  
non possint, saltem juratoriam præstite-  
rint cautionem, *c. Quamquam 2. in 6.*  
Sylvester *V. Restitutio 6. q. 1.* Navarrus  
*Manual. cap. 17. n. 280.* & Covart. *cit.*  
*cap. 3. n. 6.*

Quinta, Amissio alicubi totius sortis, *112.*  
imò illius duplicata, quæ in Hispania ex  
Lege Regia *Lib. 8. tit. 6. cit. Palao Tract.*  
*32. diff. 4. p. 30. n. 14.* alibi quartæ par-  
tis illius,

tis illius, quæ cum usuris ex ea perceptis in Imperio Romano, vigore *Constitutio-*  
*nūm Maximiliani I.* 1500. *Caroli V.*  
1548. *Augustæ & Rudolphi II.* 1577.  
Francofurti editarum & promulgatarum,  
fisco cedit, Gaill, *Practic. Lib. 2. Observat.*  
*s. n. 6.* & Canisius de *Usuris cap. 9. n. 5.*

113. Supereft dubium de Judge criminis Usurarum. In quo, si Jus liquidum, & de facto duntaxat quæfio sit, usurarum caufam mixti fori esse, ac proinde cognitionem Seculari quoque judici competere, ſatis conuenit inter DD. Controversia autem inter eos eft, an cognitione huic etiam competit, cum quæfio eft de Jure, vg. an contraftus, quem celebratum eſſe, conflat, usurarius sit, vel non. Hujusmodi enim cognitionem foli Ecclesiastico competit, cum *Gloſſa in c. Cūm fit 8. V. Malefacto-*  
*res de Foro compet. volunt Clarus §. Usura,*  
*n. 8. & Azor p. 3. Inſtit. lib. 5. de Usura,*  
*cap. 18. pr. Moventur partim c. Quoniam*  
*2. &c. Preterea 7. quō textu utrōque in lai-*  
*cōs, hujusmodi criminis reos, diſtriictione Ecclesiastica procedendum & excommuni-*  
*cationis ſententia dicitur ferenda: &*  
*Clement. 2. de Judicio, cauſam usurarum Ecclesiasticis accentente: partim ratione;*  
*quōd in ejus modi quæfione Juris agatur de peccato: cognoscere autem, an aclus peccaminofus sit, ad folius Eccleſie judi- cium pertineat, c. Novit 13. V. Non enim, de Judicio &c. Per venerabilem 13. §.*  
*Nam s. V. Rationibus igitur. Qui filij legi- timi.*

114. Difſentit Covarruvias cit. cap. 3. n. 1. Menoch. de *Arbitr. jud. caſu 398. n. 4.* Fa- rinac. *Prax Criminal. q. 8. n. 140.* & alii. quorum ſententiam veriſimilam, ait Canisius de *Usuris cap. 9. n. 4.* & cum iſi hujusmodi etiam cauſa cognitionem eſſe mixti fori, & tam Seculari quam Ecclesiastico judicis compete, defendit. Nituntur etiam ipſi luge & ratione, Jure quidem;

quod talē cognitionem non ſolum nu- ſpiant vendicet Ecclesiastico: ſed Princi- pi & Curia ſeculari diſerte, inter Juriſ & Facti quæfionem non diſtinguendō, per- mittat e. Poſt miſerabilem 12. Ratione verò quod crimen hoc adverſetur Juris Naturali: & quantumvis Ecclesiasticis etiam ſanctionibus prohibitum ſit, in ſe- tamen plus ſpiritualitatis non contineat, quā homocidium, furtum, adulterium & cetera crima, quæ Iuſtitia & Na- ralitatis juris præceptis adverſantur: quorū coercitionem & cauſarum ſuper iſi in ju- dicium deducarum cognitionem Secula- ri quoque judicii compete, res eft apud omnes explorata.

Confirmatur; quia, quod Usurarii criminis cognitione Ecclesiastico judici de facto competit, poſt ſacris Canones præci- puē habetur à conſuetudine, eam huic tri- buente & ſtabiliente; quod à SS. Canoni- bus uſuræ interdicti, & correſtae ſint le- ges Civiles, ſi quæ eas permiferunt aut to- lerarunt. Cū ergo uſuræ hodiè ſanctioni- nibus etiam Imperialibus & Regiis paſſim reprobatæ: & ſuper iis ortæ controver- ſiae quæcumque ex conſuetudine in foro Seculari ſecundūm ſanctiones Imperialeſ modernas cum ſacris Canonibus fati con- ſpirantes, tractari paſſim ſoleant ac defini- ri, non eft, cur ejuſmodi cognitionem huic etiam foro compete, inſiciemur, extra cauſum, quod an paſſio vel contraftus ali- quis usurarii aut aliaſ injuftus & pecca- minofus ſit, vel non ſit, perpetuā & Legali ſanctione eſſet definiendum: quem merito excipit eit. Pal 9 p. 28. n. 4. & ſuadet ra- tio: quia doctrinam fidelium mores ſpe- ſtantem, firmiter declarare, ſoli Papæ con- cefsum eft à Chriſto Verbiſ, Paſſe oves meaſ, Joan. cap. 21. v. 18. & extra loca, in quib⁹ uſuræ à ſacris Canonibus damnatae, prophanis legibus non prohibentur, aut à Seculari potestate non coegeruntur; nam

115.

etiam

K k 2

etiam in his &c, ubi consuetudo eam Seculari Curia ademit, causarum usuriarum cognitionem soli judici Ecclesiastico competrere, Lugo Tom. 2. de J. & J. disp. 25. n. 25o. observat.

Neque, extra hunc casum & loca, contra Seculari potestatē allata, admittunt urgent textus; quia, licet ex iis rebus inferatur, crimen hoc non esse fortissimum Secularis: & excommunicacionem in usurariis à solo judge Ecclesiastico ferri posse: non tamen infertur, usurias esse crimen merè Ecclesiasticum, ut de iis cognosci, eisque poenæ decerni neque-

ant à judge Seculari, contra e. Post misericordabilem cit. textum. Ratio autem; quia, licet, cum de peccato controversia est, generali & legali definitio aliquid decernere ac definire solius Ecclesiastici sit: in casu tamen particulari, an hic vel ille contractus injustus &, sicut sacris Canonibus, si Constitutionibus quoque Imperialibus, usurias damnantibus, contrarius sit, non appetat, cur cognoscere ac pronuntiare nequeat curia Secularis, ut cum cit. Covarruvia n. 4. Emanuele Saà de Uzuris n. 4, & Salas de Ustar. ddb. 4. 3. n. 2. docet et. Palao p. 28. n. 4.



## TITVLVS XX.

### De Crimine Falsi.

#### S U M M A R I U M .

1. Ratio Ordinis.
2. Falso veritas dolosè ac prejudiciorē immutatur,
3. Dictō, Scriptō, Factō vel Uſu.
4. Falsus testimoniū Deum, judicem & proximum ludit.
5. Pena in eum Civilis,
6. Et Canonico Jure constituta.
7. Pena Advocati prudentis causam sui clientis,
8. Et Judicis, scienter injustam sententiam ferentis.
9. Scriptō Falsum varie committitur,
10. Præterim falſatione literarum Apostolicarum,
11. Sive he Gratis, sive Justitia fint.
12. Quæ gravissimis penas obnoxia est,
13. Licet falsatio nemini sit dannosa :
14. Et illa in loco non suspecto,
15. Ab alio, quam Curia officiali, sine rasa,
16. Et mutatio fit secundum mentem Papæ.
17. Factō falso sum committitur diverso modo,
18. Et pernicioſissime à falsariis moneta;
19. Quorum severissima animadversio est.
20. Vetita est confectio pecunia ex auro Alchimistico,
21. Et istius artis exercitum.
22. Falsi rei sunt, qui alieno nomine, in signibus &c. utuntur:
23. Et pecuniam adulterinam expendunt:
24. Nisi ignorantia defendantur.

Similia-